


平定兩金川方畧

卷四十
之四十二

CHINESE - JAPANESE LIBRARY OF
HARVARD-YENCHING INSTITUTE
AT HARVARD UNIVERSITY
JAN 5 1937

T 2819/1318



CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 5 1937

YENCHING

十月己巳

平定兩金川方尋參之四十二

軍機大臣曰。昨溫福奏攻克巴朗拉案內應行
之雲南官兵於查覆後復經兵部議駁。拘泥
而不當理其過自在兵部。今據兵部奏溫福尚有
攻克資哩。請將官兵議叙一案。原奏係三月初八
九等日之事。而冊開官兵多至萬餘。係從上年十

平定兩金川方畧卷之四十命因

哈佛大學漢和
圖書館珍藏印

非十月已巳

爾森卦卦冬滋賦筆應知幾日凶風

上諭軍機大臣曰。昨溫福奏攻克巴朗拉案內應行
議叙之雲南官兵於查覆後復經兵部議駁。拘泥
而不當理其過自在兵部。今據兵部奏。溫福尚有
攻克資哩。請將官兵議叙一案。原奏係三月初八
九等日之事。而冊開官兵多至萬餘。係從上年十

二月二十九日起與原奏月日不符。此案兵部理應駁查。其過又在溫福。資哩一寨攻圍已歷三月。及賊衆棄寨潰逃。始能據有其地。與巴朗拉由兵力攻克者不同。本屬無功可錄。前此溫福等摺內。於賊番棄寨自退情節。未經明晰聲叙。並據稱南北兩山。派令額森特等分路追擊。殲賊數百。似屬溫福調度有方。將領等奮勉用命。因有旨勅部議

叙。溫福奉到此旨。止應照原奏出力官兵造冊送部。何得以去冬攻圍之日爲始。列入一萬餘人。如果以萬餘官兵攻圍一寨。自應無堅不摧。何致攻守多延時日。其數實未足憑信。倘因官兵數月以來均屬勞苦。亦應另摺奏明。畧予獎勵。豈得於議敘冊內添列。軍功若可如此濫邀。旣非所以示公。亦將何以示勸。著溫福明白回奏。嗣後遇有議敘

時務須各歸各案。毋稍牽混。將此併諭阿桂知之。
辛未。

上諭軍機大臣曰。昨文綬將金川番人嘉木磋等解
京。供稱金川所需茶葉。全藉內地出產。若無茶葉。
甚爲不便等語。茶葉旣屬番地必需。自當禁其外
出。不令絲毫透漏。俾賊番得資利便。著傳諭文綬。
速飭沿途員弁。於附近番境密查。如有奸商偷販。

出口。卽行嚴拿究治。

冊同日。

上諭軍機大臣曰。兵部奏資哩議敘一案。溫福等於
接到部駁後。減去官兵士練九千餘人。現請議敘
者二千餘人。此時旣知核減。則原題之濫列。更無
可辯。其文內所稱。逐日圍寨打仗陣亡受傷官兵。
應否議卹。則又過於拘泥。官兵効力捐軀。自應逐

一咨部查辦。原不當俟有議敘之案。始將陣亡附列。卽該將軍等統兵進剿。不暇隨時咨報。亦應每月彙咨一次。以恤勤事而勵戎行。至受傷官兵。又當分別核辦。如受有頭等重傷者。除附摺具奏外。並應按月咨部議賞。其二等以下之傷。止須記明冊檔。遇有議敘時。量其勞績。咨部酌議。若浮傷無關肢體。不過冊內登記。不沒其勞。仍視其奮勉出力與否。統行核定。并不得與輕傷一例。溫福等當照此妥辦。并諭阿桂知之。

壬申。董天弼奏言。臣於九月二十二日戌刻。自

咱瑪山梁發兵。二十三日黎明。遊擊沈寬領雜谷土兵。先上西南山梁。佔據形勢。進攻橫亘山岡。連克石卡。賊番奔潰。臣帶兵由堪卓溝內前進。據沈寬稟稱。前有穆陽岡山梁一道。爲進兵

要路。隨帶兵將山梁下石卡木城克取。並克穆陽岡。因分兵兩路。一由穆陽岡旁出山嶺直下。攻取石卡。一由正路進攻木丫山梁。二十六日夜。潛派兵弁積薪於賊番木柵之下。須臾火起。周圍延燒。賊番均被焚死。併燒斃大頭人一名。其餘各卡碉亦用火攻克取。此次計自咱瑪山梁深入九十餘里。官兵既得木丫山梁。從山梁

而下十餘里。卽係大板昭。臣將富瑚佛遜所帶官兵酌留二百名防卡。餘皆令由此路進取。奏

入。

入。西曆一千九百零四年四月二十四日自西疆軍

上諭內閣曰。董天弼。富瑚。明仁。佛遜。並在事官員兵丁。均著溫福查明咨部議敘。沈寬自派赴丹壩以來。奮勉出力。並著溫福遇有叅將缺出。奏請補授。

同日。

日。參謀。前。文。墨。部。命。部。

上諭內閣曰。叅將薛琮。前於進攻墨壟溝時。効命捐軀。甚屬可憫。著加恩。照副將銜。交部議卹。並著文綬。查明薛琮如有子嗣。卽行送部引見。其餘陣亡官兵。一併確查。咨部議卹。

癸酉。舒常奏言。臣於九月二十四日。自西路軍營起程。二十八日。抵成都。接奉

諭旨。卽於是日。自省起程。赴綽斯甲布軍營。竊查賊

地山險。礮堅。臣過省時。與司道等議。令預備銅斤礮匠。先赴打箭爐。俟到營後。酌量調取應用。

聞。

乙亥。阿桂奏言。臣審度地勢。除酌留各卡隘防範後路官兵外。甲爾木山梁一路。派漢土兵八千餘名。作爲正路。仍令明亮統領。其墨壟溝迤

東有泥壘一處。派兵千名。令總兵伊常阿率領。間道前往。以綴賊勢。至達烏大營。留兵千餘名。臣親身督率。由正面攻擊。定於十月初七日黎明。登山攻取各處碉卡。奏入。

上嘉之。

同日。阿桂奏言。據達烏前敵將弁報稱。小金川送出川兵鄧文煥。帶有賊稟到營。供係本年四

月內。隨薛琮打仗被留。

臣閱賊番稟詞。有悔罪

乞

大恩

賜

酒

食

等

恩。曾經叩請哈國興海蘭察等。轉求將軍在

奏

大皇帝前代奏之語。是賊番或以力竭勢窮。故爲搖

尾乞憐。抑或暫緩此路進兵。以便專力抵拒別

路。均未可定。吉地官兵現已定議進攻金川之

甲爾壟壩。綽斯甲布一路之兵。又經陸續前進。

金川難以再行助惡。而達烏一路。復由甲爾木
山梁等處。分兵進剿。賊番諒必更爲惶遽。似宜
將計就計。誘其自來。如果賊酋父子。同詣軍門。
大是固可設法擒獲。即使投稟專爲緩兵。得此回諭。
亦必妄意官兵暫停進發。稍疎預備。則乘隙奮
攻。尤易得手。臣已酌寫檄諭。令侍衛等監看土
兵。傳令賊番領去。奏入。

上諭軍機大臣曰。阿桂給與小金川回檄。欲誘逆酋
自來。并冀因此拒守稍疎。以資乘隙進攻之益。固
亦一策。但逆酋詭詐。未必肯憑阿桂一言。自投羅
網。且恐逆酋假親來之說。以誘我領兵大臣及將
佐等出營。逞其奸惡。阿桂等惟應布置掩擒。或併
相機剿殺。勿稍疎懈。至逆酋求降乞命。尤當付之
不聞。非但僧格桑不可輕宥。卽索諾木亦罪無可

寬豈有費如許兵力。仍以姑息了事。復貽後患之理。溫福阿桂等諒必能深體朕意。

同日阿桂又奏言。綽斯甲布革布什咱兩路均可進擣金川賊境。以掣助惡之勢。而革布什咱亦之吉地。距金川之甲爾壟壩止有三站。如能攻自取甲爾壟壩。則已據金川要隘。不但由此可以土備進攻正地。且各處防守之兵。均可量為撤出。以

資進剿。而綽斯甲布見革布什咱土兵先進。亦必迅速圖攻。現在附近吉地之漢土官兵。令叅將鄭國卿楊發育管領。由格爾格堡前進。其附近丹東渥睹之兵。汪騰龍與音吉圖普濟保阿土裏坦保等管領。由拉古鄂前進。均于十月初三日啓行。至由吉地抵甲爾壟壩。一路軍糧。經臣以一時不及安站。酌僱革布什咱番民。暫為負運。

並據汪騰龍稟報。駕馭頭目。派出番夫百名。又於余科土司地方。調牛三百頭。以供輓運。奏入。上嘉之。

同日。阿桂又奏言。楚兵三千名。於未到打箭爐之前。臣巴令帶兵將弁。由山根站前赴喀勒塔爾。又飭令喀勒塔爾。丹東兩處糧員。酌僱烏拉馱載軍裝等項。今據報頭起於九月二十九日。

自丹東起程。前赴綽斯甲布。侍衛蒙固爾烏爾圖納遜等。于二十五日由丹東進發。統計此數日內。陸續可抵綽斯甲布軍營。奏入。報。聞。

同日。阿桂又奏言。總兵馬虎。於十月初四日。帶領頭起楚兵五百名。前抵木池。已據李天佑等。將綽斯甲布土兵一千名。挑出預備。續經該土

司工噶諾爾布。又挑出土兵一千名。此時二起。楚兵五百名亦到。現在陝甘川。楚官兵合以土兵共六千名。除酌留數百名看守糧臺外。定於初十日由俄坡一路進攻。臣詢問此路情形。自木池南至俄坡交界。約七十餘里。至斯達克約二十八里。又至噶爾瑪河約二十里。又至額爾古河約十五里。過河卽係金川勒烏圍官寨前。

此投出番人伸濟彭等供稱。金川逆酋將噶拉依以下賊番。撥赴達烏一帶。勒烏圍以上賊番。撥赴鄂克什一帶。助小金川拒守。今從俄坡一路攻擊。逆酋必將鄂克什。曾頭溝各處賊兵。撤回自衛。於各路進剿。自爲有益。奏入。報

聞。

同日。劉秉恬奏言。卡了距達烏前敵數十里。經

臣會同文綬轉飭章谷糧員將米麩多運卡了。其卡了糧員卽接運至附近達烏之果洲。墨壟溝等處。大兵定於十月初四日由墨壟溝起程。進攻甲爾木山梁。計墨壟溝至甲爾木約百餘里。臣與阿桂商酌。裹帶五日口糧。卽以果洲。墨壟溝所存糧麩散給。此外尙有存餘。隨後運往。應於墨壟以外之羣崕山根暫安糧站二處。山

根一站。距賊最近。並經阿桂添派餘丁二百名防衛。俟大軍壓至前敵。仍由達烏一路安站。進抵僧格宗。所有暫安糧站二處。卽可裁撤。奏入。

報

聞。

同日。文綬奏言。川省調用民夫。親身赴役者少。轉僱者多。到站後。有因病告歸者。有期滿換班

未到逃回者。有客民受僱到站旋匿者。經臣通飭各屬。除實係患病及期滿各夫外。按名嚴拿。並追僱價補募赴站。其在站力役之夫。飭諭各站員加意撫循。編竹伐木。添蓋窩棚。以資棲息。製給棉衣。以備禦寒。仍酌給病夫口糧醫藥之類。近日添補夫役以來。頗為踴躍趨事。滇省官兵。於九月二十日內。全抵達烏軍營。陝兵亦陸

續齊集。楚兵第四起。亦於九月內過打箭爐。各站夫役。逐日滾運軍裝器械。帳房火藥均無遲誤。惟是口外諸物昂貴。所費不貲。茲奉

特旨。加給回空口糧。各夫自必倍加感奮。竭力赴公。倘有仍前逃逸者。查明為首倡逃之人。照兵丁跟役脫逃例治罪。餘仍查拿究處。至官兵均已到齊。糧運章程既定。所需人夫。自可量減。臣通

盤核計。每站用夫三百名。足敷應用。且少一夫。即減一夫口糧。較爲省便。奏入。報

聞。

同日。文綬又奏言。曾頭溝一路軍糧。據知府宋維琦稟報。官商各米。扣至八月底。運過雜谷。腦九千三百餘石。又據查禮稟稱。納雲達軍營。積有存糧。足敷支用。至曾頭溝各站人夫。不敷運

送。已飭附近成都各州縣。僱夫三千名。交軍需局酌量分撥。臣於九月十九日。接准鄂寶咨稱。

應蓋茅棚窩舖。以爲各夫棲止之所。即飛札軍需局。分飭各站員。砍伐木植。星飛趕造。其未經造成以前。並飭成都灌縣。桃關。維州。雜谷一帶。先將備貯帳房。按站分給。暫資止宿。奏入。報

聞。

乙亥。

上諭內閣曰。四川按察使李世傑。現在南路督辦糧運。省城軍需總局。祇有布政使李本一人。著派陝西按察使錢鋈。馳驛前往。會同李本總辦局務。

丙子。

上諭內閣曰。川省官兵。前此派往滇省出師。有借支行裝馱馬等項銀兩。例應於各營餉銀內。按季扣

繳。第念伊等出力從征。自應令其生計寬裕。著交

該督查明此項未完銀兩。其例應賠扣之各官兵。

現在調赴隨征者。暫停坐扣。又此次運送衣裝脚

價。如該營公費不敷。動用亦著於軍需項下借支。

統俟軍務告竣。再行扣還。以紓兵力。

同日。亦照舊宗。又本。發。指。戰。和。節。節。桑。父。子。

上諭軍機大臣曰。西南兩路軍營。尅日進抵賊巢。董

天弼一路亦已攻取木子山梁。若一得大板昭。卽可直趨布朗郭宗及底木達。計澤旺僧格桑父子均無難次第就獲。倘或冀效從前金川莎羅奔郎卡故智。同赴軍門乞降。自當設法掩擒。若卽於軍前誅磔。固可令衆番共知警戒。但小金川一經蕩平。卽應進勦金川。恐索諾木聞僧格桑父子被戮。自揣彼此同罪。畏死挺走。益堅其負隅阻險之心。

溫福等於擒獲僧格桑父子時。務宜派委妥幹員弁。隔別管押。迅速解京。且使軍中揚言僧格桑蒙大皇帝宥以不死。現在送京。別有加恩。令索諾木竊聞此語。自恃無虞。或亦赴營請降。擒縛更爲省力。亦兵不厭詐之一道也。至兩金川有名大頭人。如攻破美諾後同就俘獲。或隨逆酋投誠被擒。均不必於軍前正法。亦當訊取確情奏明。並派妥員。

分管解京。將此傳諭溫福、阿桂、豐昇額。遵旨妥辦。並諭舒常董天弼知之。

同日。福隆安奏言。竊臣遵

旨。會同健銳火器兩營大臣。揀派官兵三十名。章京
大員。分往軍營。其派往南路官兵。令委署前鋒
章京書亮帶領。副都統齊里克齊統轄。派往西
路官兵。令委署烏鎗章京烏爾泰帶領。副都統

巴朗統轄。照例分別支給銀兩。其前鋒護軍等。
並無頂帶。應請一體賞用白頂藍翎。奏入。報

聞。

丁丑。溫福、豐昇額奏言。兜烏南面。舊係鄂克什
之地。其北面屬小金川。以山頂爲界。至別斯滿
舊有土舍。後爲小金川吞併。有路可通底木達
布朗郭宗。如兜烏不能速得。卽當於別斯滿一

路籌辦分勦奏入。報請懲辦。當以限滿一
聞。舊百士舍。對為小金川吞併。首領。四。匪。木。養
同日。溫福。豐昇。額。又奏言。哈國興等以金川送
出遊擊寧祿。帶有賊稟。送赴大營。據供四月初
九日。帶兵至甲爾木山梁。不料後面山上有賊
壓下。因被石傷落水。賊眾昇至噶拉依。至九月
二十八日。頭人將賊稟交付。令其出來等語。查

軍寧祿。靦顏倖生。遵

旨解京候訊。奏入。

上諭軍機大臣曰。索諾木黨助小金川。敢於抗拒王
師。尚爾託言恭順。逞其狡譎之計。前諭令溫福等
檄飭索諾木。俾知天朝已洞燭其奸。今並將其黨
逆抗命情節。顯為抉破。卽當直斥云。爾索諾木稟
稱將寧祿等醫治平復。備辦夫馬送回。及訊取寧

平定回疆方略卷之四
六
祿供詞。本年四月。由墨壟溝進剿。其斷截山梁後路。卽係金川賊兵。寧祿等亦被掠送噶拉依。罪狀明徵。確鑿可據。豈復容以詭詞掩飾。爾索諾木誠自知罪重。及時親詣軍門乞降。本將軍尚可代爾轉奏大皇帝。仰邀格外之恩。若冥頑不靈。恃其負隅之勢。速取滅亡。爾自矜巧黠。實乃至愚。今本將軍精選各省勇壯兵丁數十萬。尅期掃蕩。擣穴殲

渠卽令爾賊衆死守險要。一年不能集事。待至二三年。必勦平金川賊巢而後已。我兵多糧足。無難久駐圍攻。爾最爾蠻陬。安能持久抵禦。且我兵旣已調集。奪隘攻堅。豈肯姑息完局。倘此時遽議撤兵。爾索諾木於事平後。必且復萌故智。蠶食鄰封。異時又將興師致討。似此另起爐竈之事。本將軍斷斷不爲。又如小金川澤旺。令兵丁鄧文煥投赴

平定回疆方略卷之四
七

南路帶出稟詞。有悔罪乞恩。曾經叩請哈國興等。轉求將軍代奏之語。尤爲荒誕。爾僧格桑於八月中。將木蘭壩一帶碉卡拆毀時。若卽面縛營門。尚可云稍知畏懼。乃退回以後。復在路頂宗拒守。其所謂悔罪者安在。海蘭察哈國興等。輕信爾等之言。不卽追擊。本將軍方切責其非。何得妄稱伊等代爾轉求。本將軍又豈受爾朦惑。遽於大皇帝前

竇奏。今爾理窮勢絀。妄語自欺。豈能因此遽寬爾罪。著傳諭溫福阿桂等。照此寫成番字發去。嗣後如有似此者。卽隨機嚴飭。毋復待朕遙爲指示。再索諾木頑梗抗逆。固由其性桀驁不馴。然糾率衆賊。實有大頭人從中主持。溫福等須留心察訪。於攻得金川後。嚴拿正法。毋任漏網。同日。文綬奏言。曾頭溝一路軍糧。前據軍需局

在省招商認運米石。各商自備成本辦運。俟運
時掣有倉收。按數給價。嗣經飭令該局籌議。將
商運價值先發一半。由附近州縣另募殷實商
人。取具的保。卽準發價。定限起運。但商僱各夫。
每多遊食。商人不能彈壓。因令各州縣選派官
役。沿途約束。今查商人業戶。先後領價認運。及
各州縣按站滾運。並六月內招商未經起運米

石。以曾頭溝兵數核計。米數已屬有餘。復嚴飭
各州縣所派官役。止令約束人夫。其夫米價值
等項。仍責成該商自行經理。倘有遺失短少。卽
於該商名下追價懲究。如查無著落。卽令承辦
各官分賠奏入。報定議於十月初四日。明亮等

聞

自達烏起程。至墨壘溝。次日至翠峰。又次日至
山根。雨雪竟夜。及曉雪尚未止。明亮等令官兵

在省招商認運米石各商自備成本辦運俟運

開時掣有倉收按數給價副經飭令該局籌議將

各官公銀奏入辦半由附近州縣另募股實商

外請商各不取買辦費此旨無著各該局承辦

等項仍責為商自計辦並尚存費夫銀少則

谷限銀兩派官外其令條束大夫其夫米賈前

五日曾題截其獲米獲日風有翁其獲米

平定兩金川方畧卷之四十一

十月壬午阿桂奏言甲爾木山梁袤延數十里

其間有突起高峯數處其第四第五兩峯尤為

險峻如能奪此兩峯則迤南一帶山峯礮卡皆

出其下臣與明亮定議於十月初四日明亮等

自達烏起程至墨壟溝次日至羣崢又次日至

山根雨雪竟夜及曉雪尚未止明亮等令官兵

於林木深密處潛伏。並分兵四路。初八日黎明。攀崖前進。其時雪深二三尺不等。至午。一齊上嶺。雨雪旋止。侍衛綏庫。攻第五峯。繞出賊後。叅領佛爾格納。復橫截於第四峯。第五峯之中。賊顧此失彼。無所措手。我兵奮擊。痛殲賊衆。內有紅衣賊目三名。此次攻得木城一座。碉卡二十餘座。第四峯及第五峯石城。俱經攻克。而格魯

克古復經侍衛德赫布。攻得據守。奏入。

上諭內閣曰。明亮帶領官兵。不避雨雪。破碉殺賊。甚屬奮勉。著授爲二等侍衛。仍賞用頭等侍衛頂帶。其在事之侍衛將弁兵丁。均著阿桂查明咨部議敘。

上又諭軍機大臣曰。阿桂奏攻得甲爾木山梁一摺。我兵旣據最高峯頂。自上而下。其勢較易。若卽出

達烏之前。直壓賊番所守要隘。則與阿桂處官兵。兩路夾擊。更無難乘閒攻克。再現在我兵所據山峯。似已抄在阿桂對敵賊寨之上。卽當設法截賊後路。斷其糧食火藥。使力不能支。必將自潰。而我兵應需口糧軍火之資。務宜熟籌卽速繼運。毋蹈前轍。若皮船一節。原屬攻其無備。出奇制勝之計。但黑夜渡河。亦須事出萬全。慎勿冒險輕進。至官

兵議敘之案。祇應將此次實在出力人等。造冊報部。俾有功者益知感奮。其餘亦可藉以激勵。將來兩路有應議敘者。均照此辦理。

上諭內閣曰。副都統華善著授爲領隊大臣。派往南路。交與阿桂差遣。

同日福隆安奏言。臣于虎鎗營兵丁內。選得前

鋒關德。集爾噶朗。庫德得。密坦保。博爾忠武。前
鋒翎長岳泰。司鞍岳蘇圖。袞登。護軍巴彥。拜唐
阿阿滿泰等十人。俟引。見後。卽交華善由驛馳赴南路軍營。其自伊犁來京
之健銳營副前鋒叅領阿爾薩朗。俟在察哈爾
之額魯特侍衛瑪爾占。在熱河之烏梁海侍衛
塔思哈爾等到時。一同馳驛前往奏入報。

聞。

癸未。

上諭內閣曰。護軍統領公興兆著以領隊大臣赴阿
桂一路軍營帶兵。

乙酉。阿桂奏言。甲爾木第五峯之南。有四峯相
連。地名真登梅列。每峯各有賊礮。官兵必須下
至山坳。向上仰攻。十月初十日。明亮督兵攀崖

而上。三面衝擊殺賊甚多。其泥壘一路。伊常阿於初九日帶兵至大山之中。直前攻撲。並分兵三路。將各石卡克取。奏入。

上諭軍機大臣曰。前據阿桂奏甲爾木之第四第五峯地尤險要。如能奪此兩峯。則迤南一帶山峯礮卡皆出其下。兩峯既經明亮攻得。何以此次進攻真登梅列賊礮。我軍尚須下至山坳。復向上仰攻。

且此兩峯既屬險隘。自可截賊後路。其糧食火藥。復從何路運送乎。至明亮伊常阿分路進攻。賊番計自必難於兼顧。阿桂所辦皮船。又已告竣。若潛師皇速往。出其不意。可冀得手。何至今尚遲回觀望。並著阿桂據實覆奏。

臣等謹按渡河攻襲西面山梁一事。先蒙聖訓以黑夜渡河。當出萬全。而卽有潛師速往。可冀

聖慮以得手之。可當出萬全而。唯百戰而。數。其。莫。旨。良。由。兵。以。奇。勝。慮。事。不。可。不。周。而。勢。有。可。乘。其。得。著。則。失。之。機。閒。不。容。髮。

皇上宵旰運籌。於兵行緩急疾徐。今尚數回。購。並。指示精詳。無不曲中窾要。是以南路官兵。仰承。睿策。伺其稍懈。卽以皮船潛渡。而小金川險要門戶。且。為懸軍半載。所未克者。竟涉險而得之。嗣後。

破僧克宗。剗美諾。節節勢如破竹。何莫非。

聖訓有以啓發之也。

同日。阿桂又奏言。官兵進攻甲爾壘壩。必由甲。

魯經過。而甲魯之前。復有東西兩山梁對峙。實為金川後路咽喉。據音吉圖。汪騰龍等稟稱。十月初七日。帶兵上東西兩山梁。並由中路山溝分進。賊衆驚潰。大兵三面會合。直趨甲魯。至初。

九日攻克賊碉。但由甲魯過河三里。卽係往正地山口。爲進攻甲爾壟壩必經之地。此處尚有賊番碉柵。現據音吉圖。汪騰龍等督兵攻擊。奏入。上嘉之。同日溫福。豐昇額奏言。南山由瑪爾廸克至貢噶。復越山梁二道。卽策卜丹地方。哈國興。海蘭

察帶兵五千。在貢噶一帶。遷延未進。據稱大雪之後。難以仰攻。因令官兵修築木柵。而石被雪凍。復難掘取。現在飛檄嚴催。令其迅速攻剿。奏入。上諭軍機大臣曰。由貢噶前進。卽策卜丹地方。爲直擣美諾捷徑。覓間襲取。利在速攻。哈國興等當冬寒冰凍之時。欲待晴霽雪消。原屬非理。卽所云石

凍難於掘取。何以賊番用石築礮。取攜甚便。但策
卜丹一路。從前溫福等亦稱其路險箐深。今復加
以雪凍。更非急切可以著力。若明知其難進。而促
官兵冒險直前。轉恐無益有損。如必待至雪消。則
此際相距春融。爲時尚遠。以五千有用之兵。置之
無用之地。實爲非計。著豐昇額親往該處察勘。果
係一時難以進攻。卽當留兵數百。交李煦等於貢

噶一帶。嚴防後路。其餘官兵均撤回。路頂宗。卽令
哈國興。海蘭察帶領進剿。若兵尚可進。而哈國興
等有退縮之意。亦卽據實參奏。夫並谷河。五。...

丁亥。

上諭軍機大臣曰。明年分路進剿金川。領隊需人。著
將桂林派往南路。富興派往西路。交與溫福。阿桂
令其領隊行走。著傳諭伊犁將軍舒赫德等。卽令

由伊犁甘肅馳驛往川。並於現駐伊犁之額魯特官兵內揀選二十人。照例賞戴翎頂。並支給銀兩。令桂林富興分路帶往。戊子文綬奏言。乾隆十二三年出師金川。運糧漢番夫役及運軍裝礮位長夫。並各色匠役。均准其日支口糧一升。此次口內口外夫匠口糧。係照舊例辦理。至楚滇二省官兵。例有隨帶餘

丁。今滇省止有額兵。應照黔兵之例。每百名給長夫三十名。楚省兵每百名帶有跟役二十名。

應卽抵餘丁之數。仍補給十名。現在南路隨營

長夫。經_臣奏准。每兵百名。均照額給餘丁三十

名之數。卽將餘丁鹽菜口糧。按數折價。令其自行短僱。以供樵汲。此次滇楚官兵。應請一體按

士命數折價。奏入。

上命戶部核議。旋經部臣查議。與奏准之案相符。應

令遵照辦理。

上從之。

同日。文綬又奏言。川省辦理軍務以來。經費浩繁。先後撥解銀兩。本年支發。尚屬不敷。茲奉

諭旨。再撥銀二百萬兩。令臣通盤核計覆奏。隨與司道等詳加核算。每月約需銀一百萬餘兩。請於

此次撥銀二百萬兩之外。再酌撥三百萬兩。以

備明春經費。奏入。

上諭內閣曰。文綬奏現在軍需經費。請再撥銀三百萬兩。以備接濟。著照所請。卽交部酌撥。分起解往。上又諭軍機大臣曰。川省進兵。其始不過派用本省兵練。爲數無多。直至上年十一二月內。黔陝各兵始陸續到營。現在軍營各省兵丁。計有三萬八千

餘名。而五月前到營者數止一萬七千以內。其餘
二萬一千餘名。均於六月後到營。川省綠營兵及
土兵土練等。雖有三萬餘名。亦係先後調發。並非
用兵之初。卽一時並集。况乾隆十三年金川軍需。
通計動支不及千萬。今所撥已至一千四百萬兩。
文綬身爲總督。於軍儲出入。必當核實清釐。不容
聽其稍有浮冒。現交戶部查對。上屆金川兵數。與

軍需之案。及此次兵數應支各項。據實核奏。著傳
諭文綬。將軍營上年需用若干。本年六月以前需
用若干。及現在兵數添足後。每月實用若干。逐一
詳查。分晰具奏。

同日舒常奏言。

臣

於十月十二日。抵綽斯甲布

軍營。據總兵馬虎等告稱。初十日由木池帶兵
前進。次日黎明。至俄坡之東。佔據宜喜山梁。攻

得二礮二卡。我兵所得之礮相距賊礮甚近。向上直攻。徒損兵力。應俟運到礮位時。相機攻取。奏入。報。舒常奏言。本營川陝甘兵共三千一百名。聞。精查衣湖具奏。同日。舒常奏言。本營川陝甘兵共三千一百名。備楚兵已到一千名。未到二千名。綽斯甲布土兵軍除防護糧道及防守各隘口外。計二千一百名。

至進兵之路。原有俄坡。日旁。甲索三處。惟是甲索地勢甚險。上下殊難。今攻得宜喜山梁。即係俄坡。往壓勒烏圍要路。其日旁一路。亦通勒烏圍。但今官兵深入。距木池糧站。幾及百里。並無運夫。因派兵四百名。陸續運至山梁。又於收糧處。派叅將一員。帶兵五百名。防守本營兵止五千三百名。難以分爲兩路。現由俄坡一路進攻。

俟楚兵二千名到齊。再分兵由日旁前進。其綽
斯甲布土兵。若不交內地將領管轄。恐無紀律。
且臨陣未必出力。是以臣即令李天佑馬應詔
管束。奏入。兵散入。阻木。出。數。又。百里。並無
上嘉之。其。日。夜。亦。無。
庚寅。阿桂奏言。據音吉圖。汪騰龍。報稱官兵攻
克甲魯之後。察勘正地山口情形。於十月十日

日。先將水碓攻得。復督兵造橋過河。進攻對面
南山梁。侍衛普濟保。叅將楊發育帶兵往土山
頂。復分兵攻得山下石卡。侍衛阿坦保。叅將鄭
國卿帶兵接應。與普濟保奪取木柵。其山下林
箐內。尚有木柵。汪騰龍令都司彭子亮帶兵攻
取。現在留兵駐守山梁一面。督兵攻擊山口。碓
寨。奏入。報

聞。

同日阿桂奏言。綽斯甲布土司稟稱。乾隆三十年。噶爾瑪木魯宗。被三雜谷佔據。巴朗索被金川佔據。今巴朗索頭人帶有木百數十戶。願歸舊主。懇差官員同去等語。查從前平定雜谷。蒼旺之時。經總督策楞等。將噶爾瑪木魯宗。巴朗索。賞給綽斯甲布土司。其後金川指使從噶

噶克。侵取噶爾瑪木魯宗。而自取巴朗索。今大兵從甲爾壘壩。俄坡兩路進攻金川。巴朗索頭人請歸故主。自可乘便招致。以弱賊勢。但從噶克土司。現亦派出土兵。在會頭溝一路助剿。倘巴朗索一處。與從噶克稍有干涉。轉恐心生疑貳。
臣已飛札李天佑等。查明辦理。不得冒昧貽誤。並札致舒常。令其就近指示妥辦。奏入。

上諭軍機大臣曰。阿桂奏巴朗索原係賞給綽斯甲布地方。其頭人復情願歸還。自當聽從其便。至其地爲金川自取。與從噶克無關。似可毋庸顧計。而阿桂摺稱從噶克倘稍有干涉。恐致心生疑貳。亦屬詳慎之意。著舒常及李天佑等傳諭綽斯甲布土司。以此地照舊歸還。自爲順理。其中或有境壤相錯。俟平定兩金川後。徹底清釐。如巴朗索與從

噶克有涉。原可於攻得金川地內。酌量地界人戶。與巴朗索相仿者。另行賞給。但須奮力從征。或較此所得尚多。亦未可定。又各土司出力攻地。將來量功行賞事宜。業經一體傳諭從噶克現在西路隨營。若言及此事。卽著董天弼等照此宣諭。俾鼓其自爲之心。益堅其奉公之念。溫福等亦不可不知此意。再前據阿桂奏。章谷以北東山梁後。卽小

金川汗牛一帶地方。汗牛以外。又屬何處。閱全圖所載。汗牛相近地面。南爲明正。東爲木坪。此二處土司最爲恭順。其境內若有路可通。分兵夾擊。得手尤易。是否可行。著阿桂據實覆奏。其另摺所奏音吉圖。汪騰龍等進攻甲爾壟壩。已攻得正地水。礮木柵。似亦可望得力。如此兩路進兵。索諾木斷無不撤兵自衛之理。僧格宗一路。賊勢必孤。乘間

犁巢。自可尅期集事。

同日。阿桂奏言。明亮進攻真登梅列。賊番踞守四峯。其上礮卡。以次排列。而最北一礮之下。有山脚一道。賊番築有二礮。從僧格宗一帶運送口糧。必經由其下。繞至後面。方可前進。十月十日。明亮派兵往攻。賊卽棄礮竄走。旋將二礮佔據。復令官兵向下連築卡座。以斷賊番來路。

奏入。上諭曰。此舉乃斷其後路。最要策也。同日董天弼奏言。木子山梁以下。兩旁深林稠密。必須修築木城。聯絡聲勢。先令各兵砍伐木植。並多帶口糧。以便進攻。因大雪數日。夫力不繼。每日運到之米。不敷官兵一日之食。經臣籌辦糧石百餘石。復購買牛隻分給。以備五日口

糧。於十月十八日。自木子山梁進發。仍飛檄糧餉員趕運接濟。奏入。

上諭軍機大臣曰。董天弼督兵進攻大板昭。正值軍行緊要之時。糧運尤爲急務。前據鄂寶奏。曾頭溝一路軍糧源源接濟。何以董天弼甫經進兵。遂至糧石不敷支給。况此處八月以來。已將道路開修。自不應尚有遲滯。著傳諭鄂寶。嚴飭弁員。迅速趕

運。仍親往督催。務令官兵足資支食。倘有不繼。惟鄂寶是問。並諭董天弼。當與在事侍衛章京等。督率兵練。駕馭土司。剋期攻取大板昭賊寨。以慰厯念。

上諭。辛卯。溫福。豐昇。額奏言。臣等遵奉

諭旨。酌抽南北兩山官兵。併力攻路頂宗。如此舉尚難得手。卽向兜烏盡銳合攻。倘仍未能攻上。現

宗。查有別斯滿一路。卽以南山策卜丹。及北山各處抽調之兵。前往分剿。至南山瑪爾迪克貢噶一帶。山梁綿亘。東接本布爾桑岡。西連策卜丹。北下鄂克什舊寨。仍令提督李煦。同章京德保。帶兵防守。奏入。

上諭軍機大臣曰。路頂宗地勢固爲險仄。現在併力合攻。軍聲益壯。自足令賊膽落。且聚有多兵。更番

攻擊賊愈難於支拒。卽訪有間道。分兵往襲。正兵仍不虞單弱。若路頂宗猝難攻破。亦不妨留少兵牽綴賊勢。而以全力併擊兜烏。溫福等其酌量情形。相機辦理。

十一月癸巳。

上諭軍機大臣曰。近據溫福等奏。現在合兵攻路頂宗。阿桂一路亦已佔據要隘山峯。董天弼又進勦。

大板昭。是於小金川地方。業經三面夾擊。而汪騰龍等由革布什咱攻吉地。舒常等由綽斯甲布攻俄坡。索諾木必將助逆兵衆。撒還自救。西南兩路。自當擣穴擒渠。但恐僧格桑竄入金川。索諾木豈肯立時擒獻。惟須急勦金川。並縛兩酋。方能通完此局。至僧格桑及索諾木兄弟。就擒駢戮。必當仿照前此辦理。雜谷腦改土歸流之法。安營駐兵。盡

成內地庶爲一勞永逸之計。此雖係善後事宜。溫
福等不可不預知此意。但須密爲籌畫。不可稍露
端倪。致番衆生心滋事。金川並轄兩會。式論厥宗
自當臣等謹按狼子野心。情多叵測。前此蒼旺誅
滅。後於雜谷腦一帶。改土歸流。建官置戍。俾
近邊番衆。與內地無殊。誠爲一勞永逸。今索
大諾木與僧格桑。背古業。詔三面夾擊。而玉

恩拒命。自取滅亡。然使甫滅一土司。旋立一土司。閱
時既久。難保不復萌故智。我

皇上先幾籌畫。卽以仿照辦理雜谷腦之法。

密諭在事大臣。爲久遠枚寧之計。自是兩金川次第

翦除。設鎮安屯。悉符左券。於是僭拉促浸之

域。盡爲內地。所由苞蘖無滋。邊隅綏靖者。蓋

不俟犁巢之後。而早定於

命將之時矣。

乙未。溫福豐昇額奏言。路頂宗迤南。大兵所據。山脚之下。有大溝一道。此溝之源。卽在南山山。密鋪頂。二十三日。海蘭察先帶兵繞至溝源。由林箐。星土內潛行。奪取賊卡。額森特亦於是日黎明。先撲路頂宗。連奪碉座。察看情形。復由小路出其不。恩。意。繞上山坡。奪據碉卡。與海蘭察兵會合。其時。

哈國興領兵過溝。攻取碉卡。

臣

溫福豐昇額親

督各隊。將路頂宗圍繞。攻擊於四更時。掃清賊寨。及曉。抵喀木色爾。是寨本爲金川賊衆所居。時賊衆已在路頂宗。殲戮無遺。隨將此寨佔據。此次攻破大小卡寨五十餘座。碉房三百餘間。現在合兵前進。一面迅掃兜烏。奏入。

上諭內閣曰。溫福等奏十月二十三日。攻克路頂宗。

及喀木色爾賊寨。溫福、豐昇額督率將士調度。有方。海蘭察、哈國興、額森特及在事之將弁兵練等。均各奮勉出力。著交部分別議敘。其實在勇往超羣者。不論滿洲綠營官兵。以及土練人等。並著溫福、確查奏聞。賞給巴圖魯號。卽綠營兵丁。亦著破格查賞。以示優異。海蘭察著交兵部。遇有蒙古都統缺出。奏請補授。所遺副都統員缺。卽著額森特

補授

上又諭軍機大臣曰。現在溫福等已攻得路頂宗。及喀木色爾賊寨。自可乘勢采入。迅擣美諾。諒僧格桑必竄匿金川。希冀緩死。索諾木向雖狼狽爲姦。究因僧格桑有將境壤歸併掌管之語。竭力抗拒。乃係自圖佔地。非止袒護私親。我兵攻勦嚴密。自應卽爲擒獻。計圖解免。溫福等惟當將僧格桑並

伴送之人拘禁解京。或索諾木到營請降。卽遵前旨。設法誘擒。仍一面嚴飭急攻。掃蕩巢穴。搜捕餘孽。以期永靖邊徼。溫福、阿桂等均當共知此意。奏。戊戌。阿桂奏言。明亮進攻真登梅列。所取山脚石礮。其旁有小山一座。上有石卡。明亮於十月十八日。派兵於山溝左右潛伏。復派官兵直攻蘇小山石卡。各處賊衆。分路來援。我兵佯爲撤退。

賊衆追至山溝。伏兵並起。而撒退之兵。復還奮擊。殲戮賊衆。內大頭人二名。其一爲金川噶拉。依頭人愛石忻。臣查前敵兩峯相接之處。地名蘇翁古爾壘。賊番於此悉力拒守。現今官兵畧爲容。休息。偵探道路情形。以期采入。奏入。

上諭軍機大臣曰。明亮此次帶兵。甚屬勇往。計畫亦爲得當。阿桂當傳諭令其益加努力。以冀勉副酬。

助。至伊常阿由泥壘進兵。何以尚無信息。而阿桂
在達烏。亦未見有寸進。卽以堅礪非可急取。亦豈
容過於遲疑坐待。現在溫福等已將抵明郭宗。阿
桂若卽能克僧格宗。則兩路夾擊。可蕪小金川之
局。著傳諭阿桂。將現在進剿情形。迅速覆奏。
同日。阿桂奏言。甲爾木山梁。不時雨雪。氣候最
寒。官兵應需皮棉衣服。均經各省起解。因雅州

巽以南。夫役不敷運送。留滯在途。臣已屢次飛咨

文綬。速派幹員。沿途料理。俾剋日到營。以便散

給。

同日。劉秉恬奏言。綽斯甲布。韋布什。咱兩路軍
米。盡取資於章谷存貯之糧。章谷之米。必須自
口內多爲運貯。方足以供轉運。今章谷米數。尚

無加增。請

平定兩金川方略卷之四
勅令該督將各處米石上緊趕運均奏入。

上諭軍機大臣曰文綬向稱能事是以特調爲四川總督一切軍需糧務皆其專責原應及早設法趲運著傳諭文綬卽嚴飭各運員將口內口外轉運糧石務須上緊運赴章谷源源不斷並將官兵應需皮棉衣服多撥人夫速爲運送設此後再有稽誤惟該督是問。

平定兩金川方略卷之四十二營務至密木各

等十一月己亥溫福豐昇額奏言臣等自十月二

等十四日至二十八日派撥官兵進攻兜烏山梁

土倫及附近賊寨哈國興額森特巴雅爾阿爾蘇納

等帶兵攻上喀木色爾寨北山梁取穆拉斯郭

大寨佔據兜烏山頂與馬彪兵合悉奪兜烏附

近碉卡喬蘇爾帶兵從鄂克什舊寨之北鼎達

勅令實諾爾山。奪取碉卡。海蘭察帶兵。從色木僧格。上諭山前。進至格實廸。連奪碉卡。進取木城。現在據守要隘。取路進攻。明郭宗。以期迅速集事。奏入。上諭內閣曰。此次在事奮勉之頭等侍衛阿爾蘇納。著賞給副都統職銜。三等侍衛巴雅爾。著授爲二等侍衛。同日。溫福。豐昇。額奏言。現在大營移至喀木色

爾之前。則鄂克什舊寨木關壩一帶。皆爲後路。

應將阿喀木雅所駐官兵。令總兵張大經移至木關壩。鄂克什舊寨一帶駐扎。至收發軍火等事。有總兵富紳。及革職總兵福昌二員。在資哩寨管理後路。應令富紳移至阿喀木雅駐扎。福昌仍留資哩。又北山色布色爾。係旁通達木巴宗資哩等處要路。仍令章京佛進泰。福音保。副

平定回疆方略卷之四十二
將成德。遊擊賈魁武等。帶兵自色布色爾。至美
美卡。白喀爾橋。上至兜烏。分駐防守。再查大兵
已過喀木色爾。無庸由策卜丹一路進兵。其駐
上諭。扎貢噶之提督李煦。應令其酌量帶兵。移至瑪
著爾迪克總路口駐扎。其餘官兵均調赴海蘭察
等處。以資攻剿。奏人。提督吳合蘇。吳斯。大蘇。等。至
上嘉之。又直隸提督。其。善。泰。木。蘭。等。一。帶。皆。為。効。勞。

同日。一。錄。留。五。

上諭軍機大臣曰。溫福等奏。瓦寺土舍索諾木雍中。
請將伊所賞員名號花翎。移給伊叔土司索諾木旺
丹等語。索諾木旺丹。感戴朕恩。因年邁不能從軍。
令索諾木雍中帶領所屬人等。隨營効力。殊屬可
嘉。著加恩於現在職銜上加陞一級。並賞帶花翎。
給與名號。以示優獎。其索諾木雍中。現在軍營出

力。所有原給名號花翎。毋庸移給。中興五軍營出
。同日。恩以與去鄰。海土賦。割一。恐並賞帶。亦除。
上諭內閣曰。溫福等奏都司黃壯畧。守備王廷玉。均
係應降二級調用之員。總兵馬彪。現係革職留任。
該員等一年以來。領兵打仗。奮勉出力。可否分別
加恩等語。馬彪准其開復。黃壯畧。王廷玉。均著改
為降二級留任。

庚子。

谷自出。代。對。專。使。外。乘。公。陪。酒。並。備。幹。濕。

上諭內閣曰。戶部議奏續調赴川之昭通兵三千名。
所需禦寒衣帽。在滇已每名折給銀兩。令其自製。
及到川後。復經文綬辦給。事屬重複。今議將川省
製就衣帽。准其按名給與。其價銀在於各兵坐餉
內分扣歸欸。自應如此辦理。但念該兵丁等現在
隨營効力。其應得坐餉。為養贍家口所必需。且近

據阿桂奏。昭通兵連日打仗。尤爲勇銳。爭先著加恩。將此項衣帽價銀。俟凱旋後再行坐扣。並著阿桂曉諭在營滇兵知之。與其賈是亦各共坐。文壬寅。舒常奏言。噶爾瑪。木魯宗。巴朗索三處。原係賞給綽斯甲布地方。理應斷還。但從噶克亦土司現在出兵助剿。遽奪其地。恐致失望。因諭令兩土司各自出力。俟事竣後。秉公剖斷。並諭綽斯

甲布。如果實心報効。將來事竣之日。定邀優賞。該酋聞言。色喜。奏入。

上諭軍機大臣曰。舒常奏傳諭綽斯甲布土司之語。與朕旨適相符合。著將此摺抄寄阿桂閱看。

甲辰。阿桂奏言。查官兵自佔奪格魯克古以來。已據金川賊來正路。所有運送口糧之賊。連日鎗礮共斃十六七名。久不敢於日間行走。但賊

兵兩相接應。速破險隘。或取甲爾壟壩。皆可進兵。第該叅將等所帶漢
同日。阿桂奏言。此次叅將汪騰龍。鄭國卿等。先
攻甲魯。原因其地險要。既得甲魯。或直擣正地。
或取甲爾壟壩。皆可進兵。第該叅將等所帶漢
土兵內。如德爾格忒等。馬上番民。皆不長於步
行登山。現在兵力難分兩路。應俟該叅將等攻
得正地山口。礮柵進奪甲爾壟壩之後。或應從

正地進兵。或撤兵前赴緯斯甲布。併力進剿。相
機酌辦。均奏入報。奏言。等率所統蘭察等由

聞。

同日。

上諭內閣曰。阿桂奏前鋒校喜當阿登色保。於攻奪
土甲爾木山梁時奮勇殺賊。著照所請。均賞戴花翎。
俟有委署前鋒叅領缺出。卽著喜當阿補授。委署

前鋒侍衛缺出。卽著登色保補授。當回蘇對奏。署
上又諭內閣曰。阿桂奏雲南曲尋協守備國士豪身
士先士卒。殺賊奪碉。東川營千總楊大山。挾礮擊賊。
踰險乘高。雖各得傷。不肯在營調理。實爲奮勇出
關。衆國士豪著賞戴花翎。楊大山著賞戴藍翎。

丙午。溫福豐昇額奏言。臣等率領海蘭察等。由
色木僧格前之格實廸地方進兵。奪取大碉石

卡。查勘南北兩山情形。北山山梁攻取較爲稍
易。因於十一月初四日夜發兵。至天明時。額森
特由穆拉斯郭山。繞至博爾根山頂。佔據大寨。
哈國興由喀木色爾北山旁。進奪額爾奔木柵。
海蘭察自山後進奪賊卡。復奪取瑪覺烏大寨。
臣等以此處甚關緊要。當經親往添兵駐守。

同日。溫福豐昇額又奏言。前派二等侍衛巴圖

魯烏什哈達。於偏近路頂宗處所築卡攻賊。烏
什哈達晝夜與賊打仗。趕築木城卡座。進偏賊
寨。用礮轟擊。礮卡摧毀甚多。及攻克路頂宗時。
雖因染患寒疾。未經在事。而路頂宗之得以克
取。仍係烏什哈達築卡之力。均奏入。
上諭軍機大臣曰。溫福等此次進兵分隊。佔據博爾
根山梁。並攻克瑪覺烏寨落。取路前進。甚合機宜。

但細閱地圖。簇拉角克。那拉覺等處。賊礮林立。與
我兵後路相通者甚多。溫福等宜善爲防範。其進
兵則仍應照攻取路頂宗等處。籌辦分路。方爲有
益。

上又諭軍機大臣曰。溫福等奏攻取路頂宗。喀木色
爾時。烏什哈達及富爾賽等八人。均各奮勉。烏什
哈達著陞授頭等侍衛。其革職留任之案。並著開

復富爾賽巴達瑪固勒德岱森保那薩拉碩多爾
海楚巴什博和爾岱均著授爲藍翎侍衛以上各
員及其餘奮勇出衆官兵有應賞巴圖魯名號者
無論滿洲綠營土練查明挑選二三人奏請賞給
丁未舒常奏言金川逆酋將被留兵丁楊會先
放回投遞書稟據供在西路南山水卡進攻被
掠及回營時金川頭目告稱官兵攻我未識

大皇帝知與不知如必欲攻我我不得不防備又聞

賊番各寨中共有內地兵丁八九十人至所見
守達爾圖山梁之頭目通事卽在西路被掠時
所見之二人等語軍營無認識番字之人已將
逆酋原稟馳交阿桂處譯奏並將楊會先送赴
達烏備訊奏入

上諭軍機大臣曰舒常奏到楊會先供詞係在西路

南山水卡進攻。其因何爲賊所掠。何以未據温福等奏及。至所稱賊匪各寨。拘留八九十人。此等兵丁何由爲賊所得。且營兵有數可稽。如係帶兵將領。未經呈報。卽著查明叅劾。或各營稟報。而温福等以爲無關緊要。不卽奏聞。亦著據實覆奏。又據供所見守達爾圖山梁之頭目通事。卽在西路被掠時所見之二人等語。此必賊匪因我兵由綽斯

甲布一路進攻。遂將助逆頭目撤回防守。是西路各寨。金川賊衆漸少。温福等益當乘隙直入。自更易於得手。至西路助逆頭目。旣經撤回。南路一帶。亦必潛行抽撤。况温福等現在進攻明郭宗。距美諾甚近。則南路官兵。尤當乘機奮擊。使賊番不能兼顧。自可尅期擣穴擒渠。再金川逆酋稟詞。譯出情節。與楊會先供詞。是否相符。並此外有無喫緊

關鍵阿桂卽應知會舒常。一面奏聞。一面無與。兼同日舒常又奏言。現在定期進兵。山險礮堅。必須用礮轟擊。屢經札催銅觔礮匠。尚無音信。奏
上諭軍機大臣曰。舒常一路所需銅觔礮匠。著傳諭
文綬迅速趕辦。選派妥員。尅期解往。一面奏聞。此
等事乃文綬專責。何竟任催罔應。如再有遲延。致

誤進勦。恐文綬不能當其罪也。王萬里章京圖

戊申阿桂奏言。臣前此紮造皮船。擬於黑夜渡

河。襲取西山陡壁上賊番礮卡。以期壓破前敵。但察看情形。西面山崖直插河流。其上本無路。逕惟踰看山岩凹凸之間。有三處畧可爬越。而登其上。均有賊番礮卡。白日斷難措手。臣連日體察賊勢。於十一月初三日。分撥漢土官兵。於

黃昏後。先將預備皮船橋料。潛運渡口。卽於是夜分撥官兵。搭橋陸續渡河。至初四日卯刻。千總劉世勳帶領第一隊屯兵。繞至西山最高石卡上首。撲進奮擊。將西山頂佔據。把總王興邦帶第二隊巴旺布拉克底土兵。將山半各礮卡攻得。第三隊明正魯密土兵。復將沿河山根各卡奪據。其時東面山下總兵王萬邦。章京圖欽

保等。各領黔陝官兵。拔開木柵。並將木城石礮攻破。計東面之翁古爾壘。西面之布喇克尼德古。及鈕寨各地方。均於巳刻以前攻克。守備崔文傑督催土兵。及遊擊劉輝祖等。帶昭通等兵。於攻得西山礮卡後。越過山溝。攻得石卡。其下尚有雍德里官寨一所。臣於是時派侍衛將領等。帶領楚兵。於西面一帶山梁。分布據守。卽督

勵官兵將雍德里三面圍攻。至次日早攻破。又得永梅尼爾瑪等碉座。此次共奪得大木城一座。碉寨一百餘間。石卡五十餘座。臣查東西兩山懸崖壁立。下逼奔湍。各弁員等於碉卡林立中。蟻附奮攻。其前敵木城。又極堅固。賊於城外挖掘深溝。松籤密布。溝外將士刨鬆。使攻撲者易於踣陷。木城內復築石牆。牆內有石碉四座。

土文互相援助。官兵等俱能鼓勇先登。迅時攻破。實為勇銳。臣現將攻開前敵緣由。飛行明亮令其迅速夾攻。以期及早會合。臣即移營翁古爾壘。密籌進取。至千總郭士才。因首先奮勇。拔開木柵。騰身躍入。以致陣亡。奏入。

上諭內閣曰。此次阿桂實心籌畫。調度有方。並在事出力之將弁兵練。均著交部議敘。至貴州千總郭

士才。首先拔柵。以致陣亡。實堪憫惜。著加恩贈都
司銜。交部議卹。仍賞銀一百兩。給付其家。並著查
明郭士才有無子嗣。如年已及歲。卽送部帶領引
見。密書載。郭士才。因首次會與對開木

上。又諭軍機大臣曰。阿桂之子拜唐阿。阿彌達。著加
恩。授爲藍翎侍衛。文開前。適緣由。派員。即亮。合。其

上。又諭軍機大臣曰。前以阿桂攻克甲爾木山梁。賞

給內大臣銜。隨據具奏懇辭。因諭令俟攻得僧格
宗。卽傳旨謝恩。今阿桂如此勇往。卽著在軍營傳
旨奏謝。如能徑取僧格宗。掃穴擒渠。自當再頒酬
庸渥典。至官兵已得翁古爾壘隘口。正賊番破膽
之時。且據所獲達爾結供稱。距僧格宗不遠。有噶
察地方。聞格桑尚欲調兵拒守等語。阿桂若及其
守拒未定。迅速勦擊。自易爲力。惟僧格桑勢已窮

感亟宜留心訪察。斷其潛通金川之路。倘逆酋逃往金川。卽應督兵與索諾木一併勦擒。不得僅向索取。現今另降諭旨。詳悉傳示兩路。遵照妥辦。再我兵攻得翁古爾壘。東西兩面山梁。此等要隘。得之頗屬不易。其間路徑叢雜。並當設法堵禦。毋爲賊所竊佔。而我兵所過後路。更須加意防範。俾糧運接續通行。賊番不能在後抄截。庶爲萬全。

臣等謹按大軍分路進攻。勢如破竹。僧格桑自知罪重難宥。亟圖竄逸。

皇上屢頒明旨。令西南兩路大臣留心訪察。斷其通金川之路。實爲此時要著。未幾。僧格桑見大兵電掃。美諾危巢。斷難支禦。退而思守。所鑿溝。布朗郭宗。旋以力弱勢窮。遂由美卧溝竄往金川。仰見

乙夜運籌數千里外。其潛通金川之路。倘逆會。洞鑒無遺。復因我兵乘勝深入。竊發由美。但當竄去。諭以山徑叢雜。竊佔旣當堵禦。抄截更藉嚴防。思安天語重申。丁寧周至。當捷書連奏之時。亂發桑貝大聖心益持兢業。洵非臣下所能窺測萬一者也。其賊上又諭軍機大臣曰。阿桂此次所獲活口。據供有金川頭目六人。帶兵千餘。在南路守禦。卽從前溫福

等所獲活口。供稱西路亦係金川頭目助守。而董天弼所奏木了山梁一帶亦然。索諾木抗顏助逆。尚欲托爲恭順。自謂並無干犯。昨據舒常奏。金川頭目有官兵攻我。未識大皇帝知與不知。如必欲攻。我不得不防備之語。實爲狂悖可惡。溫福等於進勦金川。竟當明白宣諭。爾索諾木本一土司。輒敢黨助僧格桑。抗拒王師。罪已不赦。况爾父郎卡。

平定回疆方略卷之四十一
七
蒙恩曲宥。爾復肆行悖逆。卽屬再犯。其罪更在僧
格桑之上。且爾自言派往小金川之賊。係爾姊賠
嫁之人。今小金川各處經官兵殺獲者。金川賊衆
居多。豈皆隨爾姊賠嫁者乎。在爾祇因僧格桑以
地許給。遂利其所有。希圖吞佔。名爲相助。實欲自
取。此又必當亟加天討者。本將軍等奉大皇帝之
命。領兵征勦。一切皆稟受機宜。期於殄平兇逆。淨

掃蠻氛。爾旣爲內地土司。當知中國法度。豈有不
奉諭旨。而調兵征討之理。何得托辭。故問大皇帝
知與不知乎。爾自以地險可守。私幸無虞。如小金
川。碯卡。未嘗不險。拒守未嘗不堅。天兵所臨。勢如
破竹。爾金川卽竭力支持。不過苟延歲月。安得如
許力量。久與天朝抗乎。至僧格桑竄入金川。此時
卽將逆酋執縛。爾索諾木一同親赴軍門。叩頭請

罪尚可諒爾誠悃。代爲奏聞。或冀邀恩貸汝一死。若復藉詭詞取巧。至危急時。將僧格桑獻出求免。斷斷不能。至爾金川百姓。因賊酋派助他人。死傷甚衆。爾等何苦捨死。更爲賊酋抗守。若早知改悔。實意歸誠。卽將索諾木兄弟縛獻請命。不但重加賞賚。必且仍舊安置本地。長享太平。倘迷而不悟。直至攻破金川。勦洗無餘。悔無及矣。我軍進攻金

川時。照此檄諭。沿路傳示。自可破賊膽而換其勢。將此傳諭溫福阿桂等知之。

上又諭內閣曰。據阿桂將奮勉出力之侍衛官兵。查奏請旨。副叅領圖欽保。著授爲額外叅領。俟本營前鋒叅領缺出。坐補。遊擊谷生琰。賞給功親。巴圖魯名號。並賞戴孔雀翎。護軍額魯特。栢凌。著授爲藍翎侍衛。賞給衝前巴圖魯名號。三等侍衛。委署

營總哈清阿著授爲二等侍衛。上又諭內閣曰。昨原任川東道託隆回京。詢以阿爾泰在任行事。已將其贓蹟各款。逐一開出。因令軍機大臣詢問阿爾泰之子明德布。據供實有派令屬員代買物件。少發價值之事。又前任龍安府知府馬權。保薦卓異。曾有送給松石朝珠。及皮張各件等語。是阿爾泰婪索情節。已屬確鑿無疑。不可不徹底根究。著文綬併案嚴審。至李本身任藩司。乃於阿爾泰恣意貪婪。不早據實陳奏。實屬徇情容隱。李本著革職。交與文綬一併審擬具奏。四川布政使員缺。著錢鋆補授。

營總哈清阿著授爲二等侍衛

上又諭內閣曰。昨原任川東道託隆回京。詢以阿爾

泰在任行事。已將其贓賄各款逐一開出。因令軍

市如吏員。將著逾鑿縣。明德布。據供實有派令

容馴。李本善。革輝。交與文。逐一拏審。其案。四川

武。然。阿爾泰。恣意貪婪。不早。其。實。刺。奏。實。圖。斷。審

不。辦。武。財。究。善。文。強。拏。案。強。審。至。李。本。善。五。審。回

